


卷壹

焦氏易林



宋本重刊

焦氏易林

愛日堂梓

易林序

大凡變化象數莫逃乎易，惟人之情  
僞最爲難知。筮者尚占，夢者與處，貢  
明且哲，乃留其術。俞巖耕東鄙，自前  
困蒙，客有枉駕蓬廬，以焦辭數軸出  
示。俞嘗讀班史列傳及歷代名臣譜

系諸家雜說之文盛稱自夫子授易於商瞿僅餘十輩延壽經傳於孟喜固是同時當西漢元成之間凌夷厥政先生或出或處輒以易道上干梁王遂爲郡察舉詔補小黃令而邑中隱伏之事皆預知其情得以寵異蒙遷秩亦卒於官次所著大易通變其卦總四千九十六題事本彌綸同歸簡易辭假出於經史其意合於神明但齋潔精專舉無不中而言近意遠易識難詳不可瀆家以爲辭費後之好事如君行者則子雲之書爲不朽

矣皆聖唐會昌景虞歲周正主白靈  
越之雲溪漢王俞序



卷一

乾

坤

屯

蒙

需

訟

師

比

小畜

履

泰

否

同人

大有

謙

象

卷二

隨

蠱

臨

觀

噬嗑

賁

剝

復

大妄

大奇

頤

大過

坎

離

卷三

咸

恒

遯

大壯

晉

明夷

家人

睽

蹇

解

損

益

夬

姤

萃

升

困

卷四

井

鼎

艮

歸妹

旅

兌

節

萃

震

漸

豐

巽



渙

中孚


既濟

小過

未濟



目錄終




易林總評

鍾伯敬曰焦延壽用韻語作易古。蓋做古辭辭。如鳳凰于飛和鳴鏘鏘之類也。其語似識似謠似譚似隱。似寓似脫。異想幽情。深文急響。取其靈警奇奧。可純乎四言者。以存漢詩一派。

又曰易林以理數立書。文非所重。然其筆力之高。筆法之妙。有數十百言所不能盡。而藏裏回翔於一字一句之中。寬然有餘者。其鍛鍊精簡。未可謂無意爲文也。

易林 卷一  
陳明卿曰易林天下奇書也好古之士與太元並讀  
余謂太元以有意爲奇易林以自然足貴



人

子號索哺母行求食反見空窠訾我長息

有大

上帝之生福祐日成脩德行惠樂且安寧

謙

山險難登澗中多石車馳轄擊載重傷軸擔載  
差躓踉蹌右足

豫

禹鑿龍門通利水源東注滄海民得安從一作存

隨

乘龍上天兩蛇爲輔湧躍雲中遊觀滄海民樂  
安處

蠱

彭祖九子據德不殆南山松栢長受嘉福

臨

南山昊天刺政閔身疾悲無辜背憎爲仇



觀 江河淮海天之奧。府衆利所聚。可以儲有樂我

君子

嗟 堅冰黃鳥常哀悲。愁不見其粒。但見藜藿數驚

鷲鳥為我心憂。

賁 室如懸磬既危且殆。早見之士依山谷處

剝 大禹戒路蚩尤除道。周匝萬里不危不殆。見其

所使無所不在。

復 三人為旅俱歸北海。八門上堂拜謁主母。飲勞

我酒。

焦氏易林卷一

漢 焦贛著 南豐趙 新校



乾之第一

乾 道陟多阪胡言連蹇。譯齊且聾莫使道通。請謁

不行求事無功。

坤 招殃來螫害我邦國。病傷手足不得安息。

屯 陽孤亢極多所恨。惑車傾蓋亡身常憂惶。乃得

其願。雌雄相從。

蒙 鵠鷓鳴鳩專一無尤。君子是則長受嘉福。

易林

卷一

需 目睞足動喜如其願舉家蒙寵

訟 龍馬上山絕無水泉喉焦唇乾舌不能言

師 倉盈庾億宜種黍稷年豐歲熟民人安息一作國家

富有人民蕃息與比之升同坤之恒

比 中夜犬吠盜在牆外神明祐助消散皆去

小畜 据斗運樞順天無憂所行造德與樂並居

履 空拳握手委地更起富饒豐衍快樂無已

泰 不風不雨白日皎皎宜出驅馳通理大道與坤

否 載日晶光駮駕六龍祿命徹天封為燕王

无妄 傳言相誤非于徑路鳴鼓逐狐不知跡處

大畜 三年爭妻相逐奔馳終日不食精氣勞疲

頤 純服黃裳戴上以興德義既生天下歸仁

夫過 桀跖並處人民愁苦擁兵荷糧戰於齊魯

坎 黃鳥來集既嫁不答念我父兄思復邦國

離 胎生乎乳長息成就充滿帝室家國昌富

咸 三人求橘反得大栗女貴以富黃金百鑑

恒 東山西岳會合俱食百家送從以成恩福

遯 野雞無距與鵲交關翅折目盲為鳩所傷

壯大 邠大墻壞。蠹衆木折。狼虎爲政。天降罪罰。高弒望夷。胡亥以斃。

晉 三癡俱走。迷路失道。惑不知歸。反入患口。

明 弓矢俱張。把彈折弦。左發不至。道遇害患。

人家 三女求夫。不見復關。伺候山隅。長思憂歎。

睽 陽旱炎炎。傷害禾穀。穡人無食。耕夫嘆息。

蹇 騎狔逐羊。不見所望。徑涉虎廬。亡羝失羔。

解 暗昧冥語。相傳註誤。鬼魅所舍。誰知卧處。

損 姬姜祥淑。二人偶食。論仁議福。以安王室。

益 公孫駕驪。載鴨東齊。延陵說產。遺季紵衣。

夫 孤竹之墟。失婦亡夫。傷於蒺藜。不見少妻。東郭棠姜武氏以亡。

姤 仁政不暴。鳳凰來合。四時順節。民安其處。

萃 任劣力薄。孱駑恐怯。如蠟見鵠。不敢拒格。

升 衛侯東遊。惑於少姬。亡我考妣。久逝不來。

困 嚶嚶所言。莫如我垣。歡喜堅固。可以長安。大有之屯

井 鼃鳴岐山。鼃應山淵。男女媾精。萬物化生。文王

以成爲開周庭。

革 元黃虺隤。行者勞疲。役夫憔悴。踰時不歸。

鼎 弱足別跟。不私出門。市賈不利。折亡為患。

震 懸貮素餐。居非其安。失與剝廬。休坐徒居。

艮 民怯伐惡。姦人所伏。寇賊大至。入我邦郭。妻子

係獲。一本為歸。妹辭。

漸 陽低頭。陰仰首。水為肉。傷我寶。進不利。生其子。

背北相憎。心意不同。如火與金。一本為艮辭。

豐 太微帝室。黃帝所值。藩屏固衛。不可得入。常安

無患。

旅 蘭栗犧牲。敬享鬼神。神嗜飲食。受福多孫。

巽 出門逢惡。為患為怨。更相擊刺。傷我手端。

兌 鷓飛中退。舉事不進。宋人亂潰。

渙 跛躄相隨。口暮牛罷。陵遲後旅。失利亡雌。秦之復同。

節 龍角博顛。位至公卿。世祿久長。起動安寧。

中 舜力大禹。石夷之野。徵諸王庭。拜治水土。師之小畜。

同。

小 從風放火。荻芝俱死。三害集房。叔子中傷。

既 梗生荆山。命制輪班。袍衣剝脫。夏熱冬寒。飢餓

枯槁。衆人莫憐。

未濟 長面大鼻來解已憂。遺吾福子。惠我嘉喜。

坤之第二

坤 不風不雨。白日皎皎。宜出驅馳。通利大道。

乾 谷風布氣。萬物出生。萌庶長養。華葉茂盛。

屯 蒼龍單獨。與石相觸。摧折兩角。室家不足。

蒙 城上有馬。自名破家。招呼醜毒。爲國災患。

需 霜降閉戶。蟄蟲隱處。不見日月。與死爲伍。小畜之解

訟 天之德室。溫仁受福。衣裳所在。凶惡不起。

師 皇陛九重。絕不可登。謂天蓋高。未見王公。

比 孔德如玉。出於幽谷。飛上喬木。鼓其羽翼。輝光

照國。

小畜 五範四軌。復得饒有。陳力就列。騶虞悅喜。履疑四

足無角。君子所服。南征述職。以惠我國。

履 敝笱在梁。魴逸不禁。漁父勞苦。連室乾口。

泰 雷行相逐。無有攸息。戰於平陸。爲夷所覆。

否 六龍爭極。服在不飾。謹慎管鑰。結禁無出。

同人 長男少女。相向共語。析薪在剋。福祿歡喜。

大 有 遷延惡人使德不通。炎火為殃。禾穀大傷。

謙 脩其翰翼。隨風向北。至虞夏國。與舜相得。年歲

大樂邑無盜賊。

豫 鈔刀攻玉。壑不可得。盡我筋方。眠繭為疾。比之犬過

隨 舉袂覆目。不見日月。衣裳簞簞。就長夜室。泰之臨同

蠱 賊人傷德。大怒不福。斬刈宗社。失其邦國。

臨 白龍赤虎。戰鬪俱怒。蚩尤敗走。死於魚口。

觀 北辰紫宮衣冠立中。含和建德。常受天福。需之夫坤

之解俱同

噬 稷為堯使。西見王母。拜請百福。賜我嘉子。

賁 二人異趣。反覆迷惑。一身五心。亂無所得。

剝 南山大獲盜。我媚妾恠。不敢逐退。而獨宿。

復 衆尤所逐。反作光怪。九身無頭。鬼驚鬼去。不可

以居。

无 延頭遠望。昧為目病。不見叔姬。使伯心憂。

大 畜 典冊法書。藏在蘭臺。雖遭亂漬。獨不遇灾。大有之恒

頤 自衛反魯。時不可與。冰炭異室。仁道隔塞。

大 過 瘠瘦秃疥。為身瘡害。疾病癰殘。常不屬遠。

易水

坎 東齊郭廬嫁於洛都俊良美好媒利過倍

離 齊魯爭言戰於龍門構怨連禍三世不安比之 蠱賁

之

咸 膏澤肥壤農人豐收利居長安歷世無患乾之 師比

之

恒 倉盈庾億宜種黍稷年豐歲熟民得安息

遯 鳴鴉破斧邦人危殆賴且忠德轉禍為福傾危

復立

壯大 歲飢無年唐政害民乾溪驪山秦楚結冤

晉 桀灤累累締結難解嬖母術嫁媒不得坐自為

身禍

明 訾陬開門鶴鳴彈冠章甫進用舞韶和鸞三人

翼事國無災患

家 姊妹本居與類相扶願慕群醜不離其友

睽 邯鄲反言父兄生患涉此憂恨卒死不還

蹇 三人逐兔各爭其得愛妾善走多獲其子

解 北辰紫宮衣冠立中舍和建德常受天福坤之 觀需

解之

損 拜跪請免。不得其哺。俛首銜枚。低頭北去。

益 鶴盜我珠。逃於東隅。求我郭墟。不見所居。

夬 一簧兩舌。妄言謀諛。三姦成虎。曾母投杼。

姤 伯虎仲熊。德義洵美。使布五穀。陰陽順序。一作孤獨

特處。莫與為旅。身自勞苦。使布五穀。陰陽順序。

萃 褰衣涉河。澗流浚多。賴遇舟子。濟脫無它。

升 憑河登山。道路阻難。求事少便。

困 兔置之容。不失其恭。和謙致樂。君子攸同。

井 三女求夫。伺候山隅。不見復關。泣涕漣洏。

革 螟蟲為賊。害我五穀。篋笥空虛。家無所食。需之明夷

鼎 望尚阿衡。太宰周公。藩屏輔弼。福祿來同。

震 三年生狗。以成戊母。荆夷上侵。姬伯出走。需之訟否

之始

艮 塗回道塞。求事不得。

漸 探懷得蚤。所愿失道。一本下有無有。凶憂善居。滑姤。

歸 飛蟻過道。趾多攪。垣居之不安。覆厭為患。

豐 義不勝情。以欲自傾。幾危利寵。折角摧頸。

旅 滄滄蔚蒼。扶首來會。津液下降。流添滂濡。



巽 白駒生芻猗猗盛姝赫誼君子樂以忘憂

兌 車馳人趨卷甲相仇齊魯冠戰敗於犬正

渙 舉首望城不見子貞使我悔生

節 龍鬪時門失理傷賢內畔生賊則生禍難

中 安如泰山祿祐屢臻雖有豹虎不敢危身

孚 初憂後喜與福為市八俗列陳飲御嘉友  
訟之

既 濟 特刀操肉對酒不食夫行從軍少子入獄抱膝

獨宿

濟 陰衰老極陽建其德履離戴光天下照明功業

不長蝦蟇代王否之无妄  
大有之臨

屯之第三

屯 兵征大宛北出玉關與胡寇戰平城道西七日

絕糧身幾不全

乾 汎汎栢舟流行不行耿耿寤寐心懷大憂仁不

逢時復隱窮居

坤 採薪得麟大命隕顛豪雄爭名天下四分豫之  
未濟

蒙 山崩谷絕大福盡竭涇渭消失紀玉歷盡已

需 夏臺羨里文王所厄鬼侯輸賄商王解合

訟 泥津汙辱棄捐溝瀆所共笑哭終不顯錄

師 李梅冬實國多盜賊擾亂並作君不得息同人

比 犇鹿逐牧飽歸其居反還次舍無有疾故訟之

小畜 夾河為婚期至無船淫心失望不見所歡

履 百足俱行相輔為強三聖翼事王宅寵光比之无妄

泰 坐位共處不能自居調攝違和陰陽顛倒

否 登儿上與駕駟南遊合從散橫燕秦以強

同人 三系維弩無益於輔域弱不守郭君受討

大有 河伯大呼津不得渡船空無人往來亦難

謙 甘露醴泉太平機關仁德感應歲樂民安師之允

豫 重茵厚席循高採藿雖躓不懼後友其宅又云猿墮

隨 高木瘳蹇手足保我金玉還歸其室

隨 太乙駕騶從天上來徵我叔季封為魯侯無有

凶憂需之比否

蠱 南已大安石斛戰天所指不已已老復一將臺

乃嫁墟澈室舊更為新家

臨 家給人足頌聲並作四夷賓伏千弋緝閣一作觀卦

觀 東隣嫁女為王妃后莊公築館以尊主母歸於

京師季姜悅喜作臨卦 否之既濟

陳媯敬仲兆興齊姜營正是適八世大昌媯之師比

豫之

賁路多枳棘步刺我足不利旅客為心作毒損卦 同

剝天官列宿五神崖崖門完堅君安其居

復牧羊稻園聞虎呻啞懼畏惕息終免禍患否之節

鳴條之災北奔大胡左衽為長國號匈奴主君

旄頭立尊單于

赴身潔已逢禹巡守錫我元辛拜受錫佑

頤冬華不實國多盜賊疾病難醫鬼哭其室

過大襄送季女至於蕩道齊子旦夕留連火處

坎朽根倒樹花葉落去卒逢火焱隨風偃仆

離陰變為陽女化作男治道得通君臣相承

咸炎絕續光光滅復明簡易理得仍成乾功

恒多載重負捐棄於野王母離子但自勞苦

遯江河海澤衆利安宅可以富有 飲御嘉客

壯大冬採薇蘭地凍堅難利走東北暮無所得

晉烏鵲嘻嘻天火將起燔我屋災及妃后

明  
人家  
蠱室蜂戶螫我手足。不可進取。為身害咎。履之  
崔嵬北嶽。天神貴客。溫仁正立。主布恩德。開示

不已。蒙受大福。

駁  
伯蹇叔盲。莫與守牧。失我衣裘。代已除服。

蹇  
為季求婦。家在東海。水長無船。不見欣歡。

解  
山陵工墓。鬼鬼失舍。精神盡竭。長寢不覺。

損  
蹄牛失角。下山傷軸。失其利祿。過在誰孰。

益  
水戴船舟。無根以浮。往來溶溶。心勞且憂。

大  
有鳥來飛。集于宮樹。鳴聲可惡。主將出去。

如  
東徙不時。觸患離憂。井泥無濡。思叔舊居。

萃  
黃帝所生。伏羲之宇。兵刃不至。利以居止。履之家

升  
東山極亂。處婦思夫。勞我君子。役使休止。

困  
跛躓未起。失利後市。不得鹿子。

井  
大蛇當路。使我畏懼。湯火之災。切近我膚。賴其

天幸。趨於主廬。損之

革  
從容長閑。遊戲南山。拜祠祀神。神使免患。一作震卦

鼎  
區脫康居。慕仁入朝。湛露之歡。三爵畢恩。復歸

野廬。與母相候。

震 龜鱉列市河海饒有長財善賈商季悅一作

艮 年常蒙慶今歲受福三伏採芭出君有得

斷 二人俱東道路爭訟意乖不同使我凶凶

歸 樹栽藿苴為鹿兔食君不慎護秋無收入

豐 黃鳥悲鳴愁不見星困於鷲鷓使我心驚

旅 雙鳧俱飛欲歸稻池經涉荏澤為矢所射傷我

育臆否之晉

異 久客無休思歸故鄉霖雨盛溢道未得通

兌 道路僻除南平東遼衛子善辭使國無憂

渙 同枕其袍中年分去價少無利獨居愁思

節 衆神集聚相與議語南國虐亂百姓愁苦興師

征討更立賢主小畜之豫

中 北陸閉蟄隱伏不出目盲耳聾道路不通

小 痴狂妄作心誰善惑迷行失路不知南北

既 棟隆軸強寵貴日光福善並作樂以高明

濟 愛我嬰女牽衣不與冀幸高貴反因賤下

蒙之第四

蒙 何草不黃至未盡元室家分離悲愁於心

易林

乾 海為水王。聰聖且明。百流歸德。無有畔逆。常饒

優足。履損之

坤 天之所祐。禍不過家。左輔右弼。金玉滿匱。常盈

不亡。富如厥倉。

屯 安息康居。異國穹廬。非吾習俗。使我心憂。

需 范公陶夷。善賈備資。東之營工。易字子皮。把珠

載金。多福利歸。

訟 老楊日衰。條多枯枝。爵級不進。遂乃摧墮。泰之

節 小狐渡水。汗濡其尾。稍得其幾。與道合符。

比 豕生如魴。鼠舞庭堂。雄俟施姜。上下昏黃。君失

其邦。

小畜 天地配亨。六位光明。陰陽順序。以成厥功。訟之

履 蹀躞足傷。右指病癰。失旅後時。利不走歸。

泰 恩體同恩。各有所屬。西隣孤嫗。欲寄我室。主母

罵詈。求子不得。

否 操糲鄉畝。所貸稷黍。飲食充口。安和無咎。

同人 新愛大寵。福祿重來。樂且日富。蒙慶得財。

大有 舉盃飲酒。指宜失取。無益溫寒。亡利不懼。

謙 日月相望。光明盛昌。三聖茂承。功德大隆。師之節否

賁之

豫 猗夫爭強。民去其鄉。公孫叔子。戰於城南。

隨 猿墮高木。不踐手足。保我全生。還歸其室。否之臨益

之豫訟之艮

蠱 逐狐東山。水遇我前。深不可涉。失利後便。

臨 鑿井求玉。非卞氏寶。名困身辱。勞無所得。

觀 黃玉溫德。君子所服。甘露溥暑。萬物生茂。

噬 畫龍頭頸。文章不成。甘言美語。說辭無名。

賁 招禍致凶。來弊我邦。病在手足。不得安息。

剝 履位束勢。靡有絕斃。贊為隸圖。與眾庶伍。

復 獐鹿雉兔。羣聚東園。盧黃白春。俱往追逐。九辭

十得。君子有喜。

无 織金未成。緯畫無名。長子逐兔。鹿失先路。見利

不得。

大畜 天厭周德。命與仁國。以禮靖民。兵革休息。

大頤 重譯置之。來除我憂。善說遂良。與喜相求。

大過 膏澤肥壤。人民安樂。宜利俱止。長安富有。

次 白龍黑虎起鬚暴怒戰於版泉蚩尤敗走居止

不殆君安其所同人之比

離 抱關傳言聾跛推筋破賊無災不安其所

咸 憂禍解除喜至慶來坐立歡門與樂為小南

恒 折鋒戡受與馬放休狩軍褒營天下安寧

遯 至德之君仁政且遇伊呂股肱國富長安

壯大 千里望城不見青山老兔蝦蟆遠絕無家

晉 有莘季女為夏妃后貴夫壽子母於四海

夷明 不虞之患禍至無門奄忽暴卒痛傷我心

人家 飛鷹退去不食雉雞憂患心解君主安居

睽 踉蹌側跌申酉為崇亥戌滅明顏子隱藏

蹇 司錄憑怒謀議無道商民失政殷人乏祀

解 望雞得雛求馬獲駒大德生少有廖從居

損 切切恒恒如將不活黍稷之恩靈輒以存獲生

保年

益 莫莫輯輯夜作晝匿謀議我資來攻我室空盡

我財幾無我食

夬 天之所壞不可強支衆口遭笑雖貴必危



姤 目動頰爛喜來加身舉家蒙歡吉利無殃

萃 鬻羨芬香染指拂裳口飢打手公子恨讒

升 天福所豐兆知飛龍成予得志六二已興

困 氓伯以婚抱布自媒棄禮急情卒罹悔憂

井 夏姒親附心聽悅喜利以博取無言不許

革 南山旻天刺政閔身疾悲無辜背憎為仇一作長卦

鼎 三人為旅俱歸北海入門上堂拜謁王母賜

我酒

震 陽淫早病傷害稼穡喪刈病來農人無食一作井卦

艮 攫飯把肉以就口食所往必得無有虛乏一作革卦

漸 鳥飛無翼兔走折足雖欲會同未得已惑

歸妹 體重飛難不得踰關行也憂愁不離室垣

豐 四雄並處人民愁苦擁兵東西不得安所

旅 譯重開牢求解已憂心感乃成與善俱居

巽 患解憂除王母相予與喜俱來使我安恬

兌 冬生不花老女無家霜冷蓬室競為枯株

渙 震慄恐懼多所畏惡行道留難不可以涉

節 三夫其妻莫適為雌子無名氏翁不可知

中孚 早凋被霜花葉不長非時為灾家受其殃

小過 雉兔之東狼虎所食貪饕凶惡不可止息

既濟 馬驚破車王墮深溝身死魂去離其室廬

未濟 山林麓藪兆人所往為獸無禮使我心苦

需之第五

需 久旱三年草木不生梁盛空乏無以供靈

乾 火滅復息君明其德仁人可遇身受利祿

坤 溫山松栢常茂不落鸞鳳所庇得其歡樂否之

屯 西誅不服恃強負刀倍道趨敵師徒敗覆益之

蒙 三塗五岳陽城大室神明之保獨無兵革

訟 三年生狗以戌為母荆夷上侵姬伯出走坤之

師 鳧遊江海沒行千里以為死亡復見空桑長生震否

樂鄉

比 太乙駕騶從天上来徵君叔季封為魯侯無有

凶彘屯之隨否

小畜 任宿獨居寡處無夫陰陽失志為人僕使

履 兵征大宛北至玉門與胡寇戰平城道西七日

易林 卷一

絕糧身幾不全

與屯

秦

楚靈暴虐。罷及民力。禍起乾溪。棄疾作毒。扶杖

奔逃。身死亥室。

否

雌單獨居。歸其本巢。毛羽憔悴。志如死灰。

同人

兩矛相刺。勇力鈞敵。交援結和。不破不缺。

交援名退

兵也

大有

乘船濟渡。載水逢火。賴行免禍。蒙我生全。

謙

喪寵益尤。政傾家覆。我宗失國。秦滅周室。

豫

冬無藏兵。春旺不通。陰流為賊。國被其殃。

隨

田鼠野雞。意常欲逃。拘制籠檻。不得動搖。

蠱

佩玉藻兮。無所繫之。旨酒一盛。莫與笑語。孤寡

獨特。常愁憂苦。

臨

沒游源口。求鮫為室。家危自懼。復出生道。

觀

河水孔穴。壞敗我室。水深無岸。魚鱉傾倒。

噬嗑

教羊牧兔。使魚捕鼠。任非其人。費日無功。

賁

升戶入室。就溫暖食。米凍北陸。寒不得賊。

剝

孤竹之墟。失婦亡夫。傷於蒺藜。不見少妻。東郭

棠姜。武氏破亡。

乾之

復 凶禍災殃日益明彰。福不可釐。三郤夷傷。

載璧秉珪。請命于河。周公尅敏。冲人瘳愈。

畜大 烏飛鵲舉。照臨東海。龍降庭堅。為陶叔後。圭折。

英雄履福。厚謙之

頥 危坐至暮。請求不得。膏澤不降。政戾民惑。

過大 宜昌娶嬪。東家歌舞。宴樂有緒。長安嘉喜。

坎 鑿井求玉。非卞氏寶名。困身辱勞。無所得蒙之

離 鵠思其雄。欲隨鳳東。順理羽翼。出次日中。須留

北邑復反其室。

咸 早霜晚雪。傷害禾麥。損功棄力。飢無所食。比之

恒 蝠螺生子。深目黑醜。雖飾相就。衆人莫取。

遯 去如飛鴻。避凶直東。遂得全脫。與福相逢。

壯大 婚姻合配。同枕共牢。以降休嘉。子孫封侯。

晉 咸陽辰巳。長安戌亥。丑陵生止。非魚鱸市不可。

避阻。終無悔咎。

明 螟蟲為賊。害我五穀。雖苟空虛。家無所食。坤之

家 謀恩拜德。東歸吾國。慷慨宴笑。歡樂有福。

睽 齋貝贖狸。不聽我辭。係於虎鬚。牽不得來。否之

蹇 比目附翼。歡樂相得。行止集同。終不離忒。

解 一指食肉。口無所得。染其鼎鼐。舌饒於腹。

損 曳綸汀洲。釣掛魴鯉。公孫得利。以享仲友。

益 商紂牧野。顛敗所在。賦歛重數。黎元愁苦。

夬 北辰紫宮。衣冠立中。含和達德。常受天福。坤之觀履

之需

姤 輕戰尚勇。不知兵權。為敵所制。征師北奔。

萃 大口宣舌。神使伸言。黃龍景星。出應德門。興福。

上堂。天下安。昆人有之。虛。

升 凶子禍孫。把劍向門。凶訟觀羣。驚駭我家。一作爭訟

困 祝伯善言。能事鬼神。辭祈萬歲。使君延年。

井 珪璧琮璋。執贄見王。百里審威。應聘齊秦。否之訟

萃 昧且乘車。履危蹈滿。衣夫裙襦。摧折兩軸。

鼎 膠着木逆。不出牛欄。斯饗羔羊。家室相安。

震 卷舌遁世。仁德不舍。三聖攸同。周家茂興。

艮 黍稷禾稼。垂秀方造。中旱不雨。傷風枯槁。

漸 冠帶南遊。與福喜期。邀於嘉徵。拜為公卿。

歸妹 一巢九子。同公共母。柔順利貞。出入不殆。福祿。

所在

豐 韓氏長女嫁於東海多貌美好宜家富壽利得  
十倍

旅 因禍受福喜盈我家先人後已所願必得

巽 晉平有疾迎醫秦國病乃大秘分爲兩豎逃匿  
盲上伏於膏下和不能愈

允 社飛門啓患憂大解脩福行善不爲身禍同人

渙 追亡逐北呼還稚叔至止而得反其室廬

節 鳥鳴葭端一呼三顛動搖東西危慄不安疾病

無患

中 龍化爲虎泰山之陽衆多從者莫敢救藏  
焱風忽起車馳竭竭棄名追亡失其和節憂心

惓惓

既 遊居石門祿安身全受福西隣歸飲玉泉

未 登高上山見王自言申理我冤得藏蒙恩比之未濟

同

訟之第六

訟 文巧俗弊將反大質偃死如麻流血漂楫皆知

其母不識其父。干戈乃止。

乾 文王四乳仁愛篤厚。子畜十男。無有天折。

坤 日入望車。不見子家。長女無夫。左手搔頭。

屯 東上泰山。見堯自言。申理我冤。以解憂患。

蒙 奎軫湯湯。過角宿房。宜時布和。無所不通。

需 引鬻牽鬚。雖懼無憂。玉母善禱。禍不成災。

師 鳧得水沒。喜笑自啄。毛羽悅澤。利以攻玉。公出不復。栢氏容宿。

比 水流趨下。欲至東海。求我所有。買魴與鯉。大之

損之需益之尤妄

小 獐鹿逐牧。安飽其居。反還次舍。無乃疾故。屯之

履 樹植藿豆。不得芸鋤。王事靡盬。秋無人收。

泰 弱水之西。有西王母。生不知老。與天相保。行者

危殆。利居善喜。

否 數窮廓落。困於懸室。幸登玉堂。與堯侑食。

同人 子鉏執麟。春秋作陰。元聖將終。尼父悲心。

大有 尹氏伯奇。父子生離。無罪被辜。長舌所為。

謙 播木折枝。與母別離。九臯難和。絕不相知。

駭雞無距與鵠格鬪。錯折目盲為鳩所傷。復歸野廬與母相扶。

隨 甲乙丙丁俱歸我庭。三丑六子入門見母。

燕 桑葉蟬蠹衣。酸如絡女工不成。絲布為玉。

臨 開牢關門。巡狩釋寬。夏臺羨聖。商文悅喜。

觀 欽明之德。坐前玉食。必保嘉善。長受安福。

嗑 武夫司空。多口爭訟。金火當戶。民不安。手飢

無有。

賁 紫闕九重尊嚴在中。黃帝堯舜履行至。公冠帶

垂衣天下康寧。

剝 負牛上山力少行難。烈風雨雪。遮遏我前。中道

復還憂者日歡。

復 褰兔缺唇。行難齒寒。口痛不言。為身生患。

合體比翼喜耦相得。與君同好。使我有福。

憤憤不脫。憂從中出。喪我寶貝。亡妾失位。

兩心不同。或從西東。明論終日。莫適我從。

啞啞笑言。與喜飲食。長樂行觴。千秋起舞。拜受

大福。

易林 卷一 二十



坎 初憂後喜與福為市。八份列陳。飲御諸友。坤之小過

離 西徙無家。破其新事。王孫失利。不如止居。

咸 鳳凰在左。麒麟處右。仁聖相遇。伊呂集聚。時無

殃咎。福為我母。

恒 區脫康居。慕仁大朝。湛露之歡。三爵畢思。復歸

舊廬。否之坎。

遯 疾貧望幸。使行販賈。販市井。開牢擇羊。喜得

大祥。

壯大 處高不傷。雖危不亡。握珠懷王。還歸其鄉。

晉 右手棄酒。左手收拌。行逢禮御。餽德玉杯。

夷明 養虎牧狼。還自賊傷。大勇小捷。雖危不亡。

人家 戴堯扶禹。松喬彭祖。西遇王母。道路夷易。無敢

難者。損之離。師之離。

睽 秋冬探巢。不得鵲鷓。銜指北去。慙我少姬。

蹇 兩羝三羊。俱之我鄉。雷連多難。損其食糧。

解 南徙無廬。鳥破其巢。伐木思切。不利動搖。

損 爭訟不已。更相牽擊。張季弱口。被髮北走。

益 延頸望酒。不入我口。初喜後否。利得無有。履之萃

夫被髮傾走。寇逐我後。亡失刀兵。身全不傷。  
姤麟鳳所遊。安樂無憂。

萃褰衣涉河。水深請罷。賴幸舟子。濟脫無他。

升憤憤不脫。憂從中出。喪我金罍。無妄失位。

困解跳不遠。心與言反。尼父妄行。菑菑未華。

井大壯肥特。惠我諸舅。內外和睦。不憂飢渴。

革黃帝建元。文德在身。祿若陽春。封為魯君。

鼎虎聚磨牙。以待豚猪。往必傷亡。宜待止居。

其牙以待犬猪往必傷  
殘摧敗無餘利以止居

震天地配享立位。光明陰陽順序。以成厥功。天下

和平。蒙之小畜

艮猿墜高木。不踳下足。保我金玉。還歸其室。蒙之履

漸營室紫宮。堅不可攻。明神達德。君受大福。

歸妹孤翁寡婦。獨宿悲若。目張耳鳴。無與笑語。歸妹之履

豐低頭竊視。有所畏避。行者不至。酒酸魚敗。衆莫

貪嗜。

旅載金販狗。利棄我走。藏匿淵底。悔折為咎。

巽行觸大諱。與司命忤。執囚束繫。拘制於吏。憂人

有喜同

兌 執玉歡喜佩之解孽危詳及安使我無患。

渙 機杼騰擾女功不成長妹許嫁衣無襦袴聞杼

不成凶惡消去

節 金人鐵鉅火燒左右雖懼不恐獨得全處。

謝恩拜德東歸吳國舞蹈歡躍恣樂受福

中孚 青牛白咽呼我俱田歷山之下可以多耕歲樂

時節民人安業。

既濟 白雉羣鳩慕德貢朝湛靈之恩使我得

避患東西反入禍門糟糠不足憂思我心

師之第七

師 鳥鳴呼子哺以酒脯高樓之處子來歸母嗇人

成功年歲大有妬婦無子。

乾 一簧兩舌佞言語三姦成虎曾母投杼。

坤 春桃生花季女宜家受福且多在師中吉男為

邦君。

屯 殊類異路心不相慕牝牛牡猴獨無室家。

蒙 折葉蔽目不見雅叔三足孤鳥遠其元夫。

需 雀東求粒。誤入罔域。賴逢君子。脫復歸息。

公 王孫季子。相與孝友。明允篤誠。升擢薦舉。為國

藩輔。

比 削木無枝。與子分離。飢寒莫食。獨立哀悲。

小 舜升大禹。石夷之野。徵詣王闕。拜治水上。

履 義不勝情。以欲自營。見利危寵。滅君令名。

秦 三人北行。六位光明。道逢淑女。與我驥子。

否 羿張烏號。殼射天狼。桂國雄勇。鬪死滎陽。

同 季姬踟躕。結衿待時。終日至暮。百兩不來。

大 鴻鴈翩翩。始若勞苦。災疫病民。鰥寡愁憂。

謙 穿胃狗邦。偃離旁春。天地易紀。日月更始。

豫 北山有棗。使叔壽考。東嶺多栗。宜行賈市。陸梁

雌雄所至。利喜。

隨 干旄旌旗。執職在郊。雖有寶珠。無路致之。

蠱 精潔淵塞。為讒所言。證訊詰請。繫於枳溫。甘棠

聽斷。怡然蒙恩。

臨 阮黃虺噴。行者勞罷。役夫樵悴。踰時不歸。

觀 膚敏之德。發憤忘食。虜豹禽說。為王求福。以成

主德禽又作擒

盛 承唐沐鄉要我桑中失信不會憂思約帶

賁 伯寧子福忠我邦國蠲除苛殘使季無患

剝 讒父佞雄賊亂邦國生離忠孝敗困不福

復 淵泉隄防水道通利順注湖海邦國富有

无妄 江南多蝮螫我手足寃繁詰屈痛徹心腹

大畜 三人俱行別離獨宿一身五心反覆迷惑亂無

所得

頤 鷺鳴庭中以戒災凶重門擊析尚不速客

大過 功成事就拱手安居立德有言坐飭貢賦

坎 國亂不安兵革為患掠我妻子家中飢寒

離 戴堯扶禹從喬彭祖西遇王母道路夷易無敵

難者

咸 長尾委蛇畫地成河深不可涉絕無以比惆然

噴思

恒 乘龍從蜺徵詰比闕乃見宣室拜守東城鎮慰

黎元舉家蒙福

遯 土與山連終身無患天地高明萬歲長安

少木

卷一

大壯 久旱水涸。枯槁無澤。虛脩其德。未有所獲。

晉 依山倚地。凶危不至。上清下降。君受其種。

明夷 火烈不去。必殪僇。仆燔我衣。裾福不可悔。

家人 配合相迎。利之四鄉。欣喜興。懼所言得當。

睽 清人高子。久屯外野。逍遙不歸。思我慈母。

蹇 武庫軍府。甲兵所聚。非里邑居。不可舍止。

解 王德五林。和合四時。陰陽順序。國無咎災。

損 解衣毛羽。飛入大都。晨門戒守。鄭忽失家。

益 削根燒株。不生肌膚。病在心腹。日以焦枯。

夬 文山紫芝。雍梁朱草。生長和氣。福祿來處。

姤 多載重負。捐弃于野。小任其大。但自勞苦。

萃 鳧雁啞啞。以水為家。雌雄相和。心志娛樂。得其歡欲。

升 耳目盲聾。所言不通。佇立以泣。事無成功。

困 天宮列宿。五神所舍。宮闕堅固。君安其居。

井 范子妙材。戮辱傷膚。然後相國。封為應侯。

革 秋冬探巢。不得鵲鷓。銜指北去。慙我少夫。

鼎 子畏於匡。厄困陳蔡。德行不危。竟脫厄害。

震 鴻飛在陸公出不復仲氏任只伯氏客宿

艮 鶴鳴九臯避世隱居抱朴守貞竟不相隨

漸 舜升大禹石夷之野徵諸王闕拜治水上乾之中孚

師之小過

歸 左輔右弼金玉滿匱常盈不亡富如敷與蒙之坤

下四句同

豐 崔嵬北岳天神貴客衣冠不已蒙被恩德

旅 空槽注猪狔不到張弓視雞雄鳩飛去

巽 胡蠻戎狄大陰所積涸冰凍寒君子不存

允 甘露醴泉太平機關仁德感應歲樂民安也之謙

渙 惡來呼伯煩驚外客中守閑宅以備凶黠臨折

之憂雖滅無災

節 日月相望光明盛昌三聖茂功仁德大隆家之謙

賁之

中 葛藟蒙棘花不得實讓佞亂政使恩壅塞

小 鄰不我顧面望玉女身多癩疾誰肯頰者

既 濟 精誠所在神為之輔德教尚中彌世長久三聖

與為多受福

濟木

鑽木取火掘地索泉主母飢渴子為心福

比之第八

比

鹿得美草嗚呼其友九族和睦不憂飢乏

同人  
之蹇

益之  
恒

乾

繼祖復宗追用成康光照萬國享世久長

坤

麟子鳳鸞生長嘉國和氣所居康樂無憂邦多

哲人

屯

灼灼泉源鈞鯉山巔魚不可得火不肯燃

小畜  
之屯

蒙

彭生為妖白虎行菑盜堯衣裳桀跖荷兵青禽

照夜三日夷傷

需

黍稷醇醴敬奉山宗神嗜飲酒甘雨嘉降黎庶

蕃殖獨蒙福祉時災不至

訟

李花再實鴻卵降集仁哲權輿蔭國受福

小畜  
之訟

豫之  
小過

師

千歲之墟大兵所屠不見子都城空無家

小畜

公子王孫把彈擗丸發輒有得家室饒足

履

驪姬讒嬉與二嬖謀譖殺公子賊害忠孝申生

以縊重耳奔走



秦 長生無極。子孫千億。栢柱載梁。堅固不傾。

否 犬意懷憂。如幽狴牢。亡子喪夫。附托寄居。

同人 仁智隱伏。麟不可得。龍蛇潛藏。虛居堂室。

大有 列潔堞堞。締結難解。嫫母銜嫁媒。不得坐。白為

身禍

謙 鳥飛墜水。不毀頭足。保我羽翼。復歸其室。

豫 陳媯敬仲。兆興齊姜。乃適管正。八世大昌。師之

之噬

隨 過時不歸。雌雄苦悲。徘徊外國。與母分離。

蠱 齊魯爭言。戰於龍門。構怨連禍。三世不寧。坤之

人之

臨 府藏之富。工以賑貸。捕魚河海。苟網多得。損之

人之

觀 鳴鶴北飛。下就稻池。鱣鮪鯉鯉。衆多饒有。一筍

獲兩利得過倍

噬嗑 蒼梧鬱林。道易利通。死龜象齒。寶貝南金。為吾

歸功

賁 兩火爭明。雖鬪不傷。分離且忍。全我弟兄。

剝 伯夷叔齊貞廉之師。以德防患憂禍不存。秦之

復 季去我東。髮櫛如蓬。展轉空牀。內懷憂傷。一作

无妄 百足俱行。相輔為強。三聖翼事。王室寵光。

畜大 擁遏隄防。冰不得行。火盛陽光。陰蜺伏藏。退還

其鄉。

頤 騰蛇乘龍。歲飢蓬蓬。年歲飢凶。民食草蓬。

大過 鉛刀攻玉。堅不可得。盡我筋力。眠繭為疾。坤之

坎 恒山浦泛高邑。具在陰氣不淋。洪水滂處。牢人

開戶

離 比目四翼來安我國。福善上堂。與我同牀。損之

人之

咸 杜口結舌。心中怫鬱。去菑患生。莫所告寃。否之

井

恒 牽尾不前。逆理失臣。惠朔以奔。

遯 早霜晚雪。傷害禾麥。損功棄力。飢無所食。需之

壯大 適戍失期。患生無聊。懼以發憂。開藏閉塞。邦國

窮愁。

晉 昊天白日。照臨我國。萬民康樂。咸賴嘉福。

明夷 元吉无咎。安寧不殆。

家人 懿公淺愚。不深受諫。無援失國。為狄所賊。

睽 城上有烏。自號破家。呼喚鳩毒。為國患災。

蹇 長股喜走。趨步千里。王良嘉善。伯樂在道。申生

見母。下有由子。

解 耕石山巔。費種家貧。無聊虛作。苗髮不生。

損 二人異路。東趨西步。千里之行。不相知處。

益 純服素裳。載主以興。德義茂生。天下歸仁。

夬 玉銳鐵頭。倉庫空虛。賈市為盈。與利為仇。

姤 登崑崙。入天門。過糟丘。宿玉泉。開惠觀。見仁君。

萃 團團白日。為月所食。損上毀下。鄭昭走出。

升 倉盈庾億。宜稼黍稷。年豐歲熟。國家富有。乾之師坤

困 虎狼結謀。相聚為保。思嚼牛羊。道絕不通。傷我

商人。

井 中年摧折。常恐不活。老賴福慶。光榮相輔。

革 同載共車。中道分去。喪我元夫。獨與孤苦。隨之比

鼎 飲酒醉醺。距跳爭鬪。伯傷叔僵。東家治喪。

震 出值凶災逢五赤頭。跳言無祐。扶杖伏聽。不敢  
動搖。

艮 狼虎爭強。禮義不行。兼吞其國。齊魯無王。小畜之隨

漸 南國少子。才畧美好。求我長女。賤薄不與。反得

醜惡。後乃大悔。泰之晉

歸 一身兩頭。莫通其軀。無見我心。亂不可治。

豐 李耳橐鵠。更逢恐惜。擾余以腹。不能舉格。

旅 栢桂棟梁。相輔為強。入敷五教。王室寧康。

巽 雀行求食。暮歸呼乳。反其屋室。安寧如故。

兌 四尾六頭。為凶作妖。陰不奉陽。上失其明。

渙 一旅三關。結緝不便。岐道異路。日暮不到。

節 牙葉生齒。室堂啓戶。幽人利貞。鼓翼起舞。

中 春鴻飛東。以馬貨金。利得十倍。重載歸鄉。

小 歡悅以嘉。子孫俱在。守強能忍。不見殃咎。

既 精神消落。形骸醜惡。齟齬頓挫。枯槁腐蠹。

未 登高上山。見王自言。申理我冤。得職蒙恩。

小畜之第九

小 白鳥銜餌。嗚呼其子。旋技張翹。來從其母。伯仲

季叔元賀舉手。

乾 東遇虎蛇。牛馬奔驚。道絕不通。商困無功。

坤 子鉏獲麟。庶士開元。豪雄爭名。都邑倍遊。

屯 灼火泉源。釣魚山嶽。魚不可得。火不肯燃。比之坤

蒙 機關不便。不能出言。精誠不通。為人所究。

需 故室舊廬。稍蔽紱組。不如新巢。可以樂居。

訟 蜷蛇循流。東求大魚。預且舉網。庖人歌謳。

師 鑿山通道。南至嘉國。周公所祝。襄適荆楚。

比 鵠足却縮。不見頭周。名久困急。不能自復。

履 五舌啄難。各自有言。異國殊俗。使心逃惑。所求不得。

泰 天門開闢。牢戶寥廓。桎梏解脫。拘困縱釋。

否 堅冰黃鳥。啼哀悲愁。數驚鷺鶴。飄為我憂。

同人 日走月步。趣不同舍。夫妻反目。主君失居。

大有 金牙鐵齒。西王母子。無有患殃。候舍陟道。別來不久。

謙 式微式微。憂禍相絆。隔以岩山。室家分散。

豫 衆神集聚。相與議語。南國虐亂。百姓勞苦。興師

豫 衆神集聚。相與議語。南國虐亂。百姓勞苦。興師

征伐別立賢主。

隨 虎狼爭食。禮讓不能。兼吞其國。齊晉無主。比之良

蠱 寄生無根。如過浮雲。本立不固。斯須落去。更爲

枯樹。

臨 子啼索哺。母行取食。反見空巢。訾我長息。

觀 駕駟逐狐。輪掛荆棘。車不結轍。公子無得。

噬 嗑 方啄廣口。仁智聖厚。釋解倒懸。唐國大安。

賁 駕福乘喜。東至嘉國。戴慶南行。移居安宅。

剝 孔鯉伯魚。北至高奴。木馬金車。駕遊大都。王母

送我。駮牝特駒。

復 三足無頭。不知所之心。狂精傷。莫使爲明。不見

日光。

无妄 駮牝龍身。日越三千。南上蒼梧。與福爲姪。道里

夷易。安全無患。

大畜 辰次降婁。王駕巡狩。廣佑施惠。國安無憂。望季

不來。

頤 望車不到。王子逐走。馬駮脚傷。失迹不得。曷其

有常。

大過 中原有菽以待饗食飲御諸友所求大得

坎 亂茅縮酒靈巫拜禱神怒不許瘁傷愁苦

離 李華再實鴻卵降集仁哲以興比之蔭國受福豫

過之小

咸 原出陵足行於山趾不為暴害民得安居

恒 客入其門奔走東西童女不織士棄耕畝暴骨

千里歲飢民苦

遯 天之所予福祿常在不憂危殆

大壯 蝗食我稻驅不可去實穗無有但見空槁

晉 牛驥同堂郭氏以亡國破空虛君奔走逃

明夷 狗無前足陰謀其比為身賊害何以安息

家人 兩輪自轉南上大阪四馬其轅無有重難與禹

笑言

睽 芽蘗生達陽昌於外左手執籥公言錫爵

蹇 秋花冬萼數被嚴霜甲兵當庭萬物不生雄火

夜明民擾太驚

解 霜降閉戶螿蟲隱處不見日月與死為伍坤之

損 身載百里功加四海為文開基武立天柱

益 禹作神鼎伯益銜指斧斤高閣。幢立獨坐。賣賈  
不售。譬困爲害。

夫 福解之聚。喜至憂除。如魚逢水。長樂受此。

妬 蒼龍隱伏。鱗鳳遠匿。寇賊同處。未得安息。

萃 白鶴啣珠。夜食待明。懷胡德音。身受光榮。

升 胡生夕死。名曰嬰鬼。不可得祀。

困 行役未已。新事復起。姬姜勞苦。不得安息。

井 憂患解除。喜至慶來。坐立懽忻。與樂爲隣。蒙之

革 晨風天翰。大舉就溫。昧過我邑。羿無所得。

鼎 下田種黍。芳花當齒。大雨淋集。紛榮滿壑。淋集 一作

淋集

震 鳥鹿茂林。君子碌碌。心樂願得。見者有穀。

艮 折臂踈足。不能進酒。祠祀闊曠。神怒不喜。

漸 學靈三年。仁聖且神。明見善祥。吉喜福慶。鳴鳩

飛來。告我無憂。一作鹿鳴鴻 飛鳴見善祥

歸 三婦同夫。志不相思。心懷不平。至常愁悲。

豐 中田高黍。以享王母。受福千億。所求大得。

旅 揚火不憂。二耕喜至。慶來降福。爲我鼓瑟。歌謠



送喜

允 陽明不息。君無恩德。伯氏失利。民喪其力。

巽 燕雀銜茅。以生孚乳。兄弟六人。交好孝悌。各得

其願。和悅相樂。

渙 鶉尾奔奔。火中成軍。號叔出奔。下失其君。

節 兩人相距。止不同舍。夫妻離散。衛侯失居。

中 魃為菑。虐風吹雲。却欲止不得。反歸其宅。

小 關雎淑女。配我君子。少姜在門。君子嘉喜。

既 慈母赤子。饗賜得士。夷狄服降。以安王室。

未 濟 三足狐鳴。靈鳴督卸。思過罰惡。自賊其家。

履之第十

履 一鳥俱飛。羿射九雌。雄得獨全。雖驚不危。

乾 東向蕃瑄。相與笑言。子般執鞭。樂人作歡。

坤 循河榜舟。旁淮東遊。漁父舉網。先得大魚。

屯 轅折輪破。馬倚僕卧。後旅失宿。右足跌踈。

蒙 兩人相伴。相與悖戾。心乖不同。訟爭凶凶。

需 北辰紫宮。衣冠在中。含和建德。常受天福。

觀之

需之 大坤

訟 遊居石門祿祉安全受福西隣歸飲玉泉  
嵩之既濟

師 羊腸九業相推併前止須王孫乃能上天

比 爭訟相倍和氣不處陰陽俱否穀風母子

小畜 郭叔矩願為棘所拘童顏重顛禍不成殃復歸

其鄉

泰 蠱室蜂戶螫我手足不得進止為吾害咎屯之明夷

否 怒非其願因物有遷貪如腐鼠而呼鴟鴞自合

失餌倒被困患

同 嬰孩求乳母歸其子黃麕悅喜

大有 鍼鏤徒勞錦綉不成鷹逐雉兔爪折不得

謙 雨潦集降河渠不通齊魯閉塞破費市空

豫 封豕溝瀆水潦空谷客止宿舍泥塗至腹處無

黍稷

隨 三姦相擾桀跖為友上下騷離隔絕天道

蠱 齊景惑疑為孺子牛嫡庶不明賊孽為患

臨 三羊俱亡奔走南行會暮失跡不知其藏

觀 請伯行賈岱山之野犯歷險阻不逢危殆利如  
澆酒

易林 卷一 四七

嗟 桑方將落。殞其黃葉。失勢傾側。而無所立。

賁 上山求魚。入水補兔。市非其歸。自令久留。

剝 名成德就。項領不試。景公耄老。尼父逝去。否之屯

復 天之與隅。堯舜所居。可以存身。保我邦國。

无妄 涉伯殉名。棄禮誅身。成子奔燕。一作之願

大畜 兩人俱爭。莫能有定。心乖不同。訟言起凶。

頤 睢鳩淑女。聖賢配耦。宜家受福。吉善長久。一作之无妄

大過 踰河求橋。并得大栗。烹羊食炙。飯酒歌笑。

坎 山險難行。礫中多石。車馳頻擊。重載折軸。擔負

喜躓。跌踈右足。乾之謙

離 允利孔福。神所子畜。般樂無苦。得其歡欲。

咸 鳥鵲食谷。張口受哺。蒙被恩福。長大成就。柔順

利貞。君臣合德。

恒 潼滂蔚會。膚寸來會。津液下降。流潦滂沛。

遯 路多枳棘。步刺我足。不利旅客。為心作毒。損卦同

壯 虺蛇求聚。難以居處。毒螫痛甚。瘡不可愈。

晉 麟鳳相隨。察觀安危。東國聖人。后稷周公。君子

攸同利以居止長無災凶

榮亂不時使民恨憂六社為笑君危臣羞

黃帝所生伏羲之宇兵刃不至利以居止屯之

雀行求粒暮歸呼乳反其室舍安寧如故屯之

太倉積谷天下饑食陰陽調和年歲時熟巽

干旌旗旌執幟在郊雖有寶珠無路致之師之

之中

履危蹈顛墜入泉淵蹇不能前足矮不便

衛命上車合和兩家蛾眉皓齒二國不殆

吉日車攻田弋獲禽宜王飲酒以告家功

金帛貴寶宜與我市嫁取有恩得利過倍

延頸望酒不入我口深以自喜利得無有益

牧為代守饗養甘賜得利士意戰大破胡長安

國家

日出溫谷照臨萬國高明淑人虞夏配合

逐鬼索鳥破我弓車日暮不及失利後時

譎言妄語傳相誑誤道左失迹不知戶處

履虎躡尾貶損我威君子失否去其國家

震 本根不固。新花落去。更爲孤嫗。不得相視。

艮 五輓四國。優得饒有。陳力就列。騶虞悅喜。

漸 黃帝紫雲。聖哲且神。光明見祥。告我無殃。

歸 五利四福。俱田高邑。黍稷盛茂。多獲藁稻。

豐 羣虎入邑。求索肉食。夫人衛守。君不失國。

旅 鳥子鵲雛。常與母居。願慕羣旅。不育其巢。

巽 蹇驢不材。駿驥失時。筋勞力盡。疲於沙丘。

允 玄鬣黑頰。東歸高鄉。朱鳥導引。靈龜載莊。遂抵

天門。見我貞君。人馬安全。

渙 探巢得雛。鳩鵲俱來。使我欣媿。

節 安上宜官。一日九遷。升擢超等。牧養常由。

中 大頭明目。載受嘉福。三雀飛來。與祿相得。

小 遠視千里。不見墨子。離婁明視。移於小人。一作離婁

之明。光益爲光。

既 濟 三女成姦。背夫夜行。與伯笑言。不忍主母。爲失

醴酒。寃天誰告。

未 濟 日辰不良。強弱相。一鳥兩雄。容勝主人。

泰之第十一

泰 有求陳國。留連東域。須我王孫。四月來復。主君有德。蒙恩受福。

乾 伯夷叔齊。貞廉之師。以德防患。憂禍不存。

坤 濟深難渡。濡我衣袴。五子善擢。脫無他故。

屯 倚立相望。適我道通。驅駕奔馳。比目同床。

蒙 葛藟蒙棘。萃不得實。讒佞為政。使恩壅塞。

需 四並兼用。君子所服。南征述職。與福同德。

訟 蹀躞足傷。大指病癰。失旅後時。利走不來。

師 春城夏國。長生之域。可以服食。保全家國。

比 望驥不來。拘蹇為憂。雨驚我心。風感我飢。

小畜 久客無牀。思歸我鄉。雷雨浸盈。道不得通。

履 方船備水。傍河燃火。積善有徵。終身無禍。

否 陟岵望母。役事不已。王政靡盬。不得相保。

同人 多載負重。捐棄於野。王母離子。思勞自苦。

大有 生值地乳。上皇大喜。賜我福祉。壽算無極。

易林 姤 師之

四十七

卷一

作命。

謙 翁翁鞠鞠。隕墜崩顛。滅我令名。長沒不存。否之離

豫 東隣嫁女。為王妃后。莊公築館。以尊王母。歸于

京師。季姜喜悅。

隨 伯虎仲熊。德義淵閎。使布五教。陰陽順序。坤之姤益

屯之

蠱 敏教勁疾。如猿升木。彤弓雖調。終不能獲。

臨 舉袂覆目。不見日月。衣裘簞席。就長夜室。坤之隨

觀 忍醜少羞。無面有頭。耗滅寡虛。日以削消。

噬 固陰沍寒。常冰不澀。令人墮怠。庖火為災。電火

為蕃。

賁 夏麥麩麩。霜擊其芒。君敗國。使我天傷。

剝 淵涸龍憂。箕子為奴。隕命殷破。其家。

復 跛躄相隨。日暮牛罷。陵遲後旅。失利亡雌。

无妄 桑方將落。隕其黃葉。失勢傾倒。如無所立。

大畜 長生以時。長柱根本。陰陽相和。歲樂無憂。

頤 童女無室。未有配合。陰陽不和。空坐獨宿。

大過 春令原宥。仁德不周。三聖攸同。周國茂興。

坎 金精耀怒。帶劍過午。兩虎相妬。雖驚不咎。

離 危坐至暮。謀求不得。膏澤不降。政戾民忒。

咸 老楊日衰。條多枯枝。爵級不進。日下摧頽。蒙之訟

恒 蔡侯適楚。留連江湖。踰日歷月。思其后君。

遯 右撫劍風。左援勾帶。凶訟不止。相與爭戾。失利。

市肆。

大壯 水流趨下。遠至東海。求我所有。買鮪得鯉。訟之比

晉 登几上輿。駕駟南遊。合縱散衡。燕秦治強。

明夷 求兔得獐。過其所望。歡以相迎。高位夷傷。以又作其

人家 過時不歸。道遠且逃。旅人心悲。使我徘徊。

睽 冤孤無室。御宿舍食。盜張民潰。見敵失內。

蹇 居如轉九。危不得安。東西不寧。動生憂患。

解 坤厚地載。賤物蕃息。平康正直。以綏百福。

損 冽敝牡荆。生賢止侮。讐敵背憎。孰肯相迎。上下

有青。

益 鳳凰銜書。玄珪賜我。封為晉侯。

夬 作凶不善。相牽入升。溯陷辜罪。禍生憂滋。

姤 悲鳴北行。失其長兄。伯仲不幸。骸骨敗亡。



萃 羔衣豹裘。高易我宇。君子維新。

升 日中為市。各抱所有。交易貨賁。含珠懷寶。心悅

歡喜。

困 振急絕理。恒陽不雨。物病焦乾。華實無存。

井 狐貉載剝。凌溫翠蓐。寒棘為疾。何所不足。

革 履踐危難。脫執去患。入福喜門。見誨大君。

鼎 四亂不安。東西為患。退止我足。無出國城。乃得

全完。賴其生福。

震 南國少子。材畧美好。求我長女。賤薄不與。反得

醜惡。後乃大悔。比之漸

艮 妄怒失理。陽孤無輔。物病焦枯。年飢於黍。

漸 倬然遠咎。辟害早阜。田獲三狐。巨貝為寶。

歸 逐鹿山巔。利去我西。雖祁南北。無所不得。

豐 龍蛇所聚。大水來處。滑滑沛沛。使我無賴。

旅 從風吹火。牽麒麟尾。易為之功。因摧受福。

巽 澤狗水。鳧難。商少。雞不為家。饒心其亟。逋

兌 水壞我里。東流為海。龜鳧驩。不見慈母。

渙 褰衣涉水。深漬請罷。賴宰丹者。濟脫無他。訟之革

節 龜戢河海。陸行不止。自令枯槁。失其都市。憂害無咎。

中孚 同本異葉。樂仁正德。東隣慕義。來與我國。堯李花實。纍纍日息。長大成熟。甘美可食。為我

利福

既濟 重瞳四乳。聰明順理。無隱不形。微視千里。災害

不作。君子集聚。

未濟 實沉參墟。以義討尤。次止結盟。以成霸功。

否之第十二

否 秦為狼虎。與晉爭強。并吞其國。號曰始皇。

乾 江河淮濟。天之與府。眾利所聚。可以饒。和樂我

君子。謙之豫。

坤 天之所災。凶不可居。轉徙獲福。留止憂危。

屯 名成德就。項領不試。景公耄老。尼父逝去。離之

蒙 持善避惡。福祿常有。雖有豺虎。不能危患。

需 避患東西。反入禍門。糠糟不足。憂動我心。訟之

訟 珪璧琮璜。執贄見王。百里寧戚。應聘齊秦。需之

師 揚水潛鑿。使石潔白。衣素表朱。戲遊阜沃。得君

所願心志娛樂

比 官爵相保居之無咎求免不得使伯恨悔

小 畜 載車無禪裸裎出門小兒作笑君子憂患

履 把珠入口爲我利寶得吾所有欣然嘉喜

泰 行不如止直不可曲進不如退可以安吉

同人 衆鬼无聚中有大怪九身無頭鬼驚鬼去不可

以居

大有 家給人足頌聲並作四夷賓服干戈橐閣

謙 人面鬼口長舌如斧斲破瑚璉殷商絕祀

豫 南山之峻真人所在德配唐虞天命爲子保佑

飲享身受大慶

隨 春桃生花季女宜家受福多年男爲邦君師之坤

蠱 鳴鴉破斧冲人危殆賴其忠德轉禍爲福傾危

復立

臨 猿墮高木不蹶手足保我金玉還歸其室訟之艮益

之豫蒙之隨

觀 天之奧隅堯舜所居可以存身保我邦家履之復

噬 伯蹇叔盲足痛難行終日至暮不離其鄉

易林

卷一

五十一

賁 日月相望光明盛昌三聖成功仁德大隆師之節蒙

訟之

剝 桃李花實纍纍日息長大成就甘美可食為我

利福秦之小過

復 入和出明動作有光運轉休息所為允慮

无妄 陰衰老極陽建其德履離載光天下昭明功業

不長蝦蟆代王大有之臨坤之未濟

大畜 行役未已新事復起姬姜勞苦不得休止

頤 孤鳴室北飢無所食困於空止莫與同力

大過 雄聖伏名人匿麟遠走鳳飛北擾亂未息

坎 疾貧望幸使伯行販開半擇羊多得大牂訟之

離 翁翁輶輶隕墜崩顛滅其令名長沒不存泰之謙噬

噬之坎

咸 萃薄實榮衣敝如絡女巧不成絲布為玉

恒 溫山松栢常茂不落鸞鳳所庇得其歡樂需之坤

遯 失特母教嘉偶出走僂如失老如喪家狗

大壯 太乙駕驪從天上來徵我季叔封為魯侯屯之隨需

比之

晉 雙鳧俱飛。欲歸稻池。徑涉藿澤。為矢所射。傷我

胸臆。屯之旅

東明 深坑復平。天下安寧。意娛心樂。賴福長生。

人象 俱為天民。雲過吾西。風伯疾雨。與我無恩。

睽 野鳥山鵲來集。六博三梟四散。主人勝客。

蹇 北陰司寒。堅冰不溜。凌人惰怠。大雹為災。

解 伊伯致仕。去桀耕野。執順以待。反和無咎。

損 秋風牽手。相提笑語。伯歌季舞。燕樂以喜。

益 徙巢去家。南過白馬。東西受福。與母相得。

夬 鳥飛跌跛。兩兩相和。不病四肢。但去莫疑。

姤 三年生狗。以戌為母。荆夷上侵。姬伯出走。坤之震需

之訟責之復

萃 破筐敝色。弃捐於道。壤落穿敗。不復所實。

升 結紉得解。憂不為禍。食利僂家。受福安坐。

困 白日揚光。雷車避藏。雲雨不行。各自還鄉。

井 杜口結舌。心中怫鬱。去災生患。無所告寃。否之異比

革 賈貝贖狸。不聽我辭。繫指虎鬚。牽不得來。需之睽

易林 卷一 五十四

鼎 持鶴抱子見蛇何咎。室家俱在不失其所。

震 逐兔出西。利走入門。賴我仁德。獲為我福。

艮 典役不休。與民爭時。牛生五趾。行危為憂。

漸 春粟夏梨。凶鮮希有。斗千石萬。貴不可求。

歸 妹 悲號北行。失其長兄。伯仲不幸。骸骨敗亡。

豐 賦歛重數。政為民賊。杼軸空盡。家去其室。

旅 履服自敵。殃咎並到。憂不能笑。

巽 杜口結舌。言為禍母。代伯受患。無所禱免。否之井比

兌 免冠進賢。步出朝門。儀體不正。賊孽為患。

咸之

渙 娶於姜女。駕迎新婦。少妻在門。之子悅喜。

節 牧羊稻園。聞虎喧譁。畏恐悚息。終無禍患。屯之復

中 老妾踞機。緯絕不知。女功不成。冬寒無衣。

小 黑龍吐光。使陰復陽。榮獵載聖。六師以昌。

既 濟 東隣嫁女。為王妃后。莊公築館。以監主母。歸於

未 濟 京師。姬姜悅喜。屯之觀

灌頤同徒。道頓跌躄。日辰不良。病為身禍。

同人之第十三

同人 囊寘山巔銷鋒鑄刃示不復用天下大歡

乾 一臂六手不使堵口莫肯為用利弃我走

坤 獐鹿逐木飽歸其居安息無悔

屯 鴻魚逆流主人潛處蓬蒿代柱天屋顛倒自此至不

一本並異 見後考異

蒙 三殺五牴相隨俱行逃人空澤經涉衣駿為賊

所傷 賊作 殘

需 黃帝出遊駕龍乘馬乘上太山南過齊魯邦國

咸喜

訟 履危不安心欲東西步走逐鹿空先所得

師 望尚阿衡太宰用公藩屏湯武立為侯王

比 白龍黑虎起伏俱怒戰於阪兆蚩尤走敗死於

魯首 蒙之坎益 之比同

小 載石上山步跌不前顯眉之憂不得所歎長思憂歎

履 周德既成行軸不傾中酉跌墓耄老衰去箴石

不祐

泰 乘雨帶雲與飛鳥俱舉動千里見我慈母舉動 一云

止動

否 賁貝賄狸不聽我辭繫於虎鬚牽不得來

大有 三翼飛來字我逢時俱行先至多得大利

謙 兩足四翼飛入我國寧我伯姊與母相得

豫 案民湖池玉盃天按魚如白雲一國獲鯉

隨 季姬踟躕望還城隅終日至暮不見齊侯居室

無憂

蠱 龍隅求泉置雲影從河伯捧觴跪進酒漿流潦

滂滂

臨 出門逢患與怒為怨更相擊刺傷我手端

觀 播衣樂天乾坤所命安樂無咎

噬嗑 兩金相擊勇武敢敵終日大戰不破不缺

賁 大車難駕兩引如繩馬奔山後輪脫不行中道

遇害

剝 文山紫芝雍梁朱草長生和氣與以為寶公尸

侑食神福來處

復 把珠入口為我畜寶得吾所有欣然嘉喜

无妄 負車上山力盡行難烈風雨雪遮過我前中道

復還憂者得歡



大畜 陶朱白圭善賈息資三致千金德施上仁

頤 子鉅執麟春秋作陰无聖將終尼父悲心

大過 春日載陽福履齊長四時不忒與樂為昆

坎 孔懷如玉出於幽谷飛上喬木鼓其羽翼耀光

照目。坤之比。

離 區脫康居慕仁入朝湛露之歡三爵畢思復歸

穹廬以安其居

咸 秋冬夜行照覽星辰道理利通終身無患

恒 如鵠抱子見蛇何咎室家俱在不失其所

遯 安如泰山福壽縷臻雖有豺虎不能危身

大壯 者蒙睡眠不知東西歲君失理命直為曲玉稱

為寶

晉 載璧乘珪請命于河周公克敏冲人瘳瘡

明夷 天王執政歲熟民富國家豐有王者有喜

家人 訟爭相背和氣不處陰陽俱否穀風母子

睽 齊魯爭言戰於龍門構怨結禍三世不安 比之 離

離

蹇 鹿得美草嗚呼其友九族和睦不離邦域

解 百里難行。雖微復明。去虞適秦。為穆國卿。

損 梅李冬實。國多寇賊。亂擾並作。王不能制。屯之師

益 府藏之富。王以賑貸。捕魚河海。筍網多得。巨蛇

大鱮。戰於國郊。君遂走逃。比之臨損之睽

夬 社飛門啓。憂患大解。不為身禍。需之允

姤 宜昌嫁婦。東家歌舞。長樂歡喜。

萃 正陽之央。申氏以亡。禍及留阡。烟滅為墟。

升 鳧過稻廬。甘樂麴餈。雖驅不走。田峻懷憂。

困 跛躄俱行。日暮車傷。失旅乏糧。

井 龍門小完。流行不害。民安其土。君臣相保。

革 山陵西塞。逼我徑路。欲前不得。俱還故處。

鼎 兩虎爭鬪。血流浮杵。城郭空虛。蒿藜塞道。

震 依叔墻隅。志下心勞。楚亭晨食。韓子低頭。

艮 龍生無常。或托空桑。憑乘風雲。為堯立功。

漸 魁行搖尾。逐雲吹火。汗泥為陸。下田為稷。

歸 跛躄相隨。日暮牛罷。陵遲後旅。失利亡雌。

豐 三人俱行。北求大狝。長子病足。請季負囊。柳下之責。不失驪黃。

旅 鳳凰在左麒麟在右仁聖相遇伊呂集聚傷害

不至時無殃咎福為我母訟之

巽 乘筏渡河雖深不殆曾孫皇祖累累俱在受其

大福

兌 比日四翼來安吾國實福上堂與我同床比之

隨之

渙 娶於姜女駕迎新婦少妻在門夫子悅喜否之

節 螟蟲為賊害我稼穡冬禾殫麥秋無所得

孚中 衣裳顛倒為王來呼成就東周邦國大休

過小 王孫季子相與為衣明允篤誠升擢薦舉

濟既 涌泉滑滑流行不絕汗為江海敗毀邑里家無

所處聞虎不悸向我笑喜

濟未 桑鵲竊脂啄粟不宜亂政無常使我孔明

大有之第十四

大有 白虎張牙征伐東華朱鳥前驅贊導悅辭敵人

請服銜璧而趨

乾 南山大行困於空桑老沙為石牛馬無食

坤 蟠枝失岐與母別離絕不相知

屯 蹲踞所言莫如我垣。惟樂堅固。可以長安。乾之困

蒙 李梅零墜。心思精憤。懷憂小愧。亂我冤氣。

需 火雖熾。在吾後。寇雖多。在吾右。身安吉。不危殆。

訟 虎卧山隅。鹿過後。胸弓矢復張。猗為功曹。伏不

敢起。遂至洋野。得我美草。

師 三火起明。兩滅其光。高位疾顛。驕恣深傷。

比 疋居楚鳥。遇讒無辜。久散離憂。散一作旅

小 一室十子。同心異母。以義防患。禍災不起。

履 商人行旅。資無所有。貪貝利珠。留連王市。還家

內顧。公子何咎。

泰 禹將為君。北入崑崙。稍進陽光。登入溫湯。功德

昭明。

否 乾行大德。覆幬無極。嗚呼享熟。使各自得。

同人 南國茂盛。黍稷醲酒。可以享老。樂我嘉友。

謙 方船備水。旁河然火。終身无禍。天與吉昌。未得

安康。泰之履

豫 雷行相逐。無有休息。戰於平陸。為夷所覆。

隨 躑躅踟躕。撫心搔頭。五晝四夜。睹我齊侯。

蠱 大日宜唇神使伸言黃龍景星出應德門與福

上堂天下安昌需之萃

臨 陰衰老極陽建其德履離載光天下昭明否之無妄

坤之未濟

觀 三塗五岳陽城大室神明所伏獨無兵革下有

保國

噬嗑 年豐歲熟仁政民樂利以居止旅人獲福

賁 楚鳥逢矢不可久放離居無辜作此哀詩以告

孔憂

剝 出門大步與兄惡忤詈公詈母為我憂趾

復 火之井谷楊荏生角犯歷天市闕觀太極登上

王牀家易六公

无妄 牧羊逢狼雖憂不傷畏怖惕息終無禍殃

大畜 繭栗犧牲敬事鬼神嗜飲食受福多孫望季

不來孔聖厄陳旅之

頤 大澤治牧南敗牧特長伯為我多得馬牛利於

徒屈

大過 枯樹無枝與子分離飢寒莫養獨立哀悲

坎 天地九重堯舜治中正冠衣裳宇宙平康

離 鳧鷖遊涇君子以寧復德不愆福祿來成

咸 裸程逐狐為人所笑牝雞司晨主作亂根

恒 典冊法言藏在蘭臺雖遭禍潰獨不遇災大過坤之

大畜

遯 三癡且狂欲之平鄉迷惑失道不知昏明

壯大 癭瘤瘍疹為身瘡患疾病癢疴常不危殆

晉 三豕俱走鬪於谷口白豕不勝死於坂下

明夷 賴主之光受德之佑雖造顛沛獨不凶咎

蒙人

上義崇德以建大福吉宜誥旦周武功立

睽 四亂不安東西為恨身止無功不出國城乃得

完全賴其生福

蹇 金牙鐵齒西王母子無有患殆涉道大和小畜之大

有

解 賀喜從福日利蕃息歡樂有得

損 昊天白日照臨我國萬民康寧咸賴受福

益 左眇右盲視闇不明下民多孽君失其常

夬 吾有黍梁委積道傍有架服箱運到我鄉藏於

嘉倉

如 殊類異路。心不相慕。牝豕無狘。鰥居室家。

萃 雀行求食。出門見鵠。鵠頭蹶上下。幾無所處。

升 野有積庾。穡人駕馭。不逢狼虎。暮歸其宅。

困 膚敏之德。發憤忘食。虜豹禽說。為王求福。師之觀

井 光禮春成。陳項雞鳴。陽明失道。不能自守。消三

為咎

革 左抱金玉。右得熊足。常盈不亡。獲心所欲。

鼎 履泥汗足。各困身辱。兩仇相得。身其為虐。

震 安居重遷。不去其塵。禾米相聞。樂得常產。

艮 天災所遊。凶不可居。轉徙獲福。留上憂危。

漸 昧昧默默。不知白日。景雲亂擾。光明隱伏。幽工

失國。

歸 鳧雁啞啞。以水為安。雌雄相和。常共娛樂。得其

所欲

豐 長生無極。子孫千億。柏柱載梁。堅固不傾。

旅 麒麟鳳凰。善政得祥。陰陽和調。國無災殃。

巽 天之奧隅。堯舜所居。可以存身。保我家室。

允 配合相迎利之四鄉昏以為期與福喜笑

渙 砥德礪材果當成周拜受大命封為齊侯

節 與福俱坐畜水備火終無災禍

中 晨昏潛處候時煦煦卒逢白日為世榮主

小 視日再光與天相望長生懽悅與福為兄

既 大頭明目再受喜福二雀飛來與祿相觸

未 梗生荆山命屬輪班袍衣剝脫夏熱冬寒立成

枯槁眾人莫憐

謙之第十五

謙 王喬無病狗頭不痛亡跛失履乏我送從

乾 噤囁噤囁昧真相持多言少實語無成事

坤 北辰紫宮衣冠立中含和達德常受大福鉞刀

攻玉堅不可得

屯 東壁餘光數暗不明主母嫉妬亂我事業

蒙 下背其上資明其讓子嬰兩頭陳破其墟

需 鳳生會稽稍巨能飛翔翔桂林為眾鳥雄

訟 鑿井求玉非和氏寶名困身辱勞無所得一作師卦

師 邦傑載復送至東萊百僚具舉君王嘉喜一作訟卦



比 安息康居異國穹廬非吾邦域使伯憂戚

小 江河淮海天之都市商人受福國家富有

履 同才異業樂仁上德東林慕義來與吾國

泰 白鶴銜珠夜室天明懷我德音身受光榮

否 踐履危難脫厄去患入臨喜門見吾母君

同人 宮商既和聲音相隨驪駒在門主君以歡

大有 天地配享六位光明陰陽順序以成厥功

豫 江河淮海天之與府衆利所聚可以饒有樂我

君子否之坤

隨 雙鳥並飛欲歸稻池徑涉藿澤爲矢所射傷我

胸臆屯之旅比之晉

蠱 伯仲叔季日暮寢寐裸卧失明喪我貝囊銜卸

道傍

臨 受終文視承哀復起以義自閑雖苦無咎

觀 旋斗運樞順天無憂與樂並俱益之節

噬嗑 周師伐紂戰於牧野甲子平旦天下悅喜

賁 十雌百雛常與母俱抱雞搏虎誰敢害者

剝 桀跖並處人民愁苦擁兵荷糧戰於齊魯

復 南山昊天。刺政閔身。侯悲無辜。背憎為仇。

光 百川朝海。流行不止。道雖遼遠。無不到者。

大 音 目不可合。憂來播足。悚惕危懼。去其邦域。

頤 鳥升鵠舉。照臨東海。龍降庭堅。為陶叔後。封於

蓼。正福履。綏厚。需之大音

大 過 北方多棗。橘柚所聚。荷囊載香。盈我筐篚。

坎 懸貍素餐。食非其任。失望遠民。實勞我心。

離 羔羊皮革。君子朝服。輔政扶德。以合萬國。

咸 齊魯爭言。戰於龍門。構怨致禍。三歲不安。坤之維同

人之睽比之蠱

恒 久陰霖雨。塗行泥濘。商人休止。市空無有。

遯 桃鵠竊脂。來於小枝。搖動不安。為風所吹。寒心

悚慄。常憂殆危。

大 壯 防患備災。凶禍不來。雖困無災。

晉 引頸絕糧。與母異門。不見所懼。孰與其言。

明 夷 鱮蝦去海。藏於枯里。街巷偏隘。不得自在。南北

無極。渴餒成疾。

家 人 恭寬信敏。功加四海。辟去不祥。喜來從母。

於 歲飢無年虐政害民乾溪驪山秦楚結怨

蹇 右目無瞳偏視寡明十步之外不知何公

解 蜩蟬歡喜草木嘉茂百菓蕃熾日益庶有

損 常德自如安坐無尤幸入貴鄉到老安樂絕一作無

益 狡兎趨趨犬良逐昨雄雉受害為鷹所獲

夬 春桃生花季女宜家受福多年男為封君

姤 山石朽弊消崩墜落下上離心君失其崇

萃 水壞我里東流為海龜鳧謹譚不睹我家

升 十巖龍身造化八元法天則地順時施行富貴

長存

困 四夷慕德來興我國文君降陟令受其德

井 華首山頭仙道所遊利以居止長無咎憂

革 鷓鴣徒來西至平州遭逢雷雹損我葦蘆家室

飢寒思吾故初

鼎 狗無前足陰雄叛北為身害賊

震 陽孤亢極多所恨惑車傾蓋亡身常驚惶乃得

其願雌雄相存乾之屯

艮 空槽住猪豚彘不至張弓祝雞雄父飛去

漸 長夜短日陰為陽賊。萬物空枯。藏於北陸。

歸 爪牙之士怨毒祈父。轉憂與已。傷不及母。

豐 拜跪請免。不得臭腐。俛首銜指。不得北去。

旅 有莘季女為王妃。后貴夫壽子。母字四海。

巽 季姜躊躇待孟城隅。終日至旦。不見齊侯。

兌 邯鄲反言。父兄生患。涉此憂恨。卒死不還。

渙 逐鹿山巔。利去我西。維邪南北。所求不得。

節 穿鼻繫珠。為虎所拘。王母祝福。禍不成災。突然

自來

中 虎豹熊皮。遊戲山谷。君子仁賢。亦得所欲。

小 梅李冬實。國多盜賊。擾亂並作。王不得制。

過 望幸不到。文車未就。羊子逐兔。大踣不得。

既 千柱百梁。終不傾偃。仁智輔聖。周宗寧康。

未 豫之第十六

豫 冰將泮散。鳴雁雍雍。丁男長女。可以會同。生育

賢人

乾 龍馬上山。絕無水泉。喉焦唇乾。口不能言。

坤 蔡侯朝楚。留連江濱。踰時歷月。思其后君。

屯 文厄美里湯因夏臺仁聖不害數困何憂免於  
縲綬為世明侯。

蒙 典冊法書藏閣蘭臺雖遭亂潰獨不遇災。

需 毳裘羶國文禮不飭跨馬控弦伐我都邑。

訟 星隕如雨力弱無輔強陰制陽不得安土。

師 蝗嚙我稻驅不我去實穗無有但見空葉。

比 虎飢欲食為蝟所伏禹導龍門避咎除患元醜

以安

小

編蝠夜藏不敢晝行酒為酸漿魴鼻鮑羹

履 精華墜落形體醜惡齟齬挫頓枯槁腐蠹。

泰 兩足不獲難以遠行疾步不能後倡失時。

否 令妻壽母宜家無咎君子之歡得以長久。

同人 飢蚕作室緝多亂纏緒不可得。

大有 子鉏執麟春秋作陰元聖將終尼父悲心。

謙 螟蟲為賊害我稼穡盡禾殫麥秋無所得。

隨 憂在腹內山崩為疾禍起蕭牆竟制其國。

蠱 茹芝削黃飲食玉瑛神與流通長無憂凶。

臨 一夫兩心拔刺不深所為無功求事不成。

觀

十里望烟散。渙四方。形容滅亡。終不見君。

噬

張牙控弩。經涉山道。雖有伏虎。誰敢害者。

賁

泉閉澤竭。室母飢渴。君子困窮。乃徐有說。

剝

野猿山鵲。奕棊六博。三梟四散。主人勝客。

復

羊驚馬走。上下揮擲。鼓音不絕。項公奔賊。

无妄

黃帝神明。八字聖聰。俱受大福。天下平康。

大畜

住馬醜酒。疾風暴起。泛亂福器。飛揚位卓。明神

降佑道無害寇。

頤

騰蛇乘龍。宋鄭飢凶。民食草蓬。

大過

揚水潛鑿。使石潔白衣。素表朱。遊戲阜澤。得君

所欲。心志娛樂。

坎

西過虎廬。驚我前驅。雖憂無危。

離

衣成無關。不知所穿。穿指東西。未得便安。

咸

晨風文翰。隨時就溫。雖咎相和。不憂始危。

恆

心多悔恨。出言為怪。長鳴室北。聲醜可惡。請謁

不得。

遯

離女去夫。閔思苦憂。齊子無良。使我心悲。

大壯

過時不歸。雌大苦悲。徘徊外國。與叔分離。

晉 鵲巢柳樹鳩奪其處任力德薄天命不佑

明 鶴盜我珠逃於東都鶴怒追求郭氏之墟不見

踪跡使伯心憂

人家 夫婦相背和氣弗處陰陽俱否莊姜無子

睽 月走日步趣不同舍妻夫反目主君失居

蹇 洛陽嫁女善逐人走三寡夫夫婦妬無子

解 周德既成杼軸不傾太宰東西夏國康寧

損 日中為市交易資寶名利所有心悅以喜

益 僮妾獨宿長女未室利無所得

天 忠言輔成王政不傾公劉兆基文武綏之

姤 牛驥同堂郭氏以亡國破為墟主君奔走

萃 中原有菽以待雉食飲御諸友所求大得

升 多虛少實語不可知尊空無酒飛言如雨

困 青蠅集蕃君信讒言害賢傷忠忠生頹人

升 履株復與馬驚傷車安為我憂

革 商風召寇呼我北盜問謀內應與我爭鬪殫已

寶藏主人不勝

鼎 逸豫好遊不安其家或有少姬久逃不來

震 吾有驕驕畜之以時東家翁孺來請我車價極可與後無賊悔

良 厄窮上通與堯相逢登升大麓國無凶人

漸 衆兔俱走雄罷在後騎不能進失信寡處

歸 旁行不遠三思復返心多畏患日中止舍

豐 倉阜奉使中山以孝文侯悅幸擊子徵召

旅 入天門守城戶君安樂不勞苦文山踰鷓肥脂

多脂王孫獲願載福巍巍

巽 登墻上堂見吾父兄左酒右漿與福相迎

兌 秋蛇向穴不失其節夫人姜氏自齊復入

渙 忍醜少羞有面無頭耗滅寡虛日以削消

節 景星照堂麟遊鳳翔仁施大行頌聲並興

中 干旄旌旗執職在郊雖有寶珠無路致之歸妹之隨

履之

小 李花再實鴻鵠降集仁德以興陰國受福小畜之離

師之

既 白鳥赤鳥戰於東都敗悔為憂



豕 採薪得麟犬命頌頰豪雄爭名天下四分屯之坤



易林

卷一終

易林卷一終



71014736

